



# Coimisiún na Scrúduithe Stáit

SCRÚDÚ NA hARDTEISTIMÉIREACHTA, 2015

## OIDEACHAS REILIGIÚNACH — ARDLEIBHÉAL

DÉ hAOINE, 19 MEITHEAMH — MAIDIN, 9.30 go dtí 12.00

Líon Iomlán na Marcanna: 320

### *Treoracha Ginearálta d'Iarrthóirí*

CAITHFIDH IARRTHÓIRÍ IAD SEO A LEANAS A FHREAGAIRT:

- CEIST AMHÁIN AS AONAD A hAON
- DHÁ CHEIST AS AONAD A DÓ
- CEIST AMHÁIN AS AONAD A TRÍ

BA CHÓIR DUIT TUAIRIM IS 30 NÓIMÉAD A CHAITHEAMH AG FREAGAIRT CEISTEANNA SAN AONAD SEO.

NÍ MÓR DUIT CEIST AMHÁIN AS AN DÁ CHEIST SEO A LEANAS A FHREAGAIRT.


(Tá 80 marc ag gabháil le gach ceist)

## ROINN A CUARDACH BRÍ AGUS LUACHANNA

### Ceist 1.

#### Freagair a) agus b).

- a) Déan próifiliú ar an tuiscint ar Dhia/na déithe/ábhar diaga atá le feiceáil in **dhá** mhiotas ón ré ársa a ndearna tú staidéar orthu. (40 marc)

- b)   
*Rud nach féidir liom a bheith cinnte faoi ná an bhfuil Dia ann.*  
— Agnóisí

Tabhair breac-chuntas ar a gceapann tú a déarfadh Ainseilm **agus** Acain (Aquinas) mar fhreagra ar an ráiteas thuas. (40 marc)

### Ceist 2.

#### Freagair a) agus b).

- a) Ainmnigh **dhá** thráth ríthábhachtacha i bhforbairt na fealsúnachta agus tabhair breac-chuntas ar an tslí ar athraigh an smaointeoireacht fhealsúnach ag gach ceann den dá thráth sin. (40 marc)



(Foinse: bobhaa.com)

- b) Tabhair breac-chuntas ar an tuiscint ar an gcaoi a nochtar Dia/an tarchéimnitheach do dhaoine in **dhá** cheann de na mór-reiligiúin dhomhanda a bhfuil staidéar déanta agat orthu. (40 marc)

BA CHÓIR DUIT TUAIRIM IS 60 NÓIMÉAD A CHAITHEAMH AG FREAGAIRT CEISTEANNA SAN AONAD SEO. NÍ MÓR DUIT **DHÁ** CHEANN DE NA TRÍ ROINN SEO A LEANAS A FHREAGAIRT.

(Tá 80 marc ag gabháil le gach roinn)

**ROINN B AN CHRÍOSTAÍOCHT: A BUNÚS AGUS A CUR IN IÚL COMHAIMSEARHTHA**

Freagair a) agus b).

- a) i. Tabhair breac-chuntas ar **cheithre** phríomhthréith de chuid Ríocht Dé ar leag Íosa béim orthu ina sheanmóireacht. (20 marc)
- ii. Cuir **dhá** cheann de thréithe Ríocht Dé a ndearna Íosa seanmóireacht fúthu i gcomparáid leis an tuiscint Ghiúdach ar Ríocht Dé. (20 marc)
- b) *Abair go raibh agallaimh á gcur agat ar chuid de na chéad deisceabail tar éis bhás agus aiséirí Íosa.* Tabhair breac-chuntas ar a gceapfá a déarfaidís faoin tionchar a bhí ag bás agus aiséirí Íosa ar a n-irisí agus ar a gcleachtais reiligiúnacha. (40 marc)

**ROINN C REILIGIÚIN DHOMHANDA**

Freagair a) agus b).

- a) i. Déan cur síos ar ghnáthdháileadh domhanda na mball sa lá atá inniu ann i **ngach** ceann de na reiligiúin seo a leanas:



(Foinse: Coloringhub.com)

- ◆ AN BÚDACHAS ◆ AN CHRÍOSTAÍOCHT ◆ AN HIONDÚCHAS ◆ AN tIOSLAMACHAS ◆ AN GIÚDACHAS (20 marc)
- ii. Déan próifiliú ar bhunús ceann **amháin** díobh seo a leanas:
- ❖ REILIGIÚN TRADISIÚNTA AFRACACH ❖ REILIGIÚN SÍNEACH
- ❖ GLUAISEACHT NUA REILIGIÚNACH ❖ AN CREIDEAMH BAHÁ'I ❖ REILIGIÚN SUÍCEACH (20 marc)
- b) Mínigh conas is féidir le dialóg idirchreidmheach a bheith mar dheis agus mar dhúshlán ag na baill de mhór-reiligiúin dhomhanda sa lá atá inniu ann. (40 marc)

**ROINN D CINNEADH MORÁLTA A DHÉANAMH**

Freagair a) agus b).

- a) i. Déan cur síos ar shampla den chaoi a mbíonn impleachtaí pearsanta agus sóisialta ag baint leis an gcliseadh morálta do na baill de shainchreideamh Críostaí **amháin** a ndearna tú staidéar air. (20 marc)
- ii. Cuir an tuiscint ar an gcliseadh morálta i sainchreideamh Críostaí i gcomparáid leis an mbealach ina dtuigtear é i gceann **amháin** de na reiligiúin dhomhanda seo a leanas:
- ◆ AN BÚDACHAS ◆ AN HIONDÚCHAS ◆ AN tIOSLAMACHAS ◆ AN GIÚDACHAS (20 marc)
- b) Tabhair breac-chuntas ar an ról a d'fhéadfadh **dhá** cheann díobh seo a leanas a imirt ar fhás an duine i dtreo na haibíochta morálta:
- AN tSAOIRSE MHORÁLTA ● PRIONSABAIL MHORÁLTA ● AN tSUÁILCE (40 marc)

BA CHÓIR DUIT TUAIRIM IS 30 NÓIMÉAD A CHAITHEAMH AG FREAGAIRT CEISTEANNA SAN AONAD SEO. NÍ MÓR DUIT CEANN AMHÁIN DE NA CEITHRE ROINN SEO A LEANAS A FHREAGAIRT.

(Tá 80 marc ag gabháil le gach roinn)

## ROINN E REILIGIÚN AGUS INSCNE

Freagair a) nó b) nó c) nó d).

- a) Cuir i gcomparáid an pháirt i stair an tslánaithe a ghlac bean **amháin** agus fear **amháin** a n-insítear a scéalta sna Scríptúir Eabhraise.

*nó*

- b) Cuir i gcomparáid na ról a tugadh do mhná agus d'fhir sna chéad phobail Chríostaí.

*nó*

- c) Scrúdaigh an bealach ina léirítear Muire, máthair Íosa, i sainchreideamh Críostaí **amháin** a ndearna tú staidéar air.

*nó*

- d) Scrúdaigh an chaoi a mbíonn tionchar ag inscne duine ar na ról is féidir a bheith aige/aici laistigh de mhór-reiligiún domhanda.

(80 marc)

## ROINN H AN BÍOBLA: LITRÍOCHT AGUS TÉACS DIAGA

Freagair a) agus b).

- a) Cuir i gcomparáid lena chéile a ndeir **dhá** cheann de na téacsanna seo a leanas, as na Scríptúir Eabhraise, faoin ngaol idir Dia agus daoine:

● LAOI BHUÍOCHAIS HANNÁ ● IOSRAEL ATHBHUNAITHE ● NA DEICH nAITHEANTA  
(1 Samúeil 2:1-10) (Íseáia 52:13-53:12) (Eacsadas 20:1-21) (40 marc)

- b) Pléigh an tábhacht a bhain leis an bhfoinse 'Q' i múnú **dhá** Shoiscéal Shionoptacha. (40 marc)

## ROINN I REILIGIÚN: TAITHÍ NA hÉIREANN

Freagair a) agus b).

- a) Déan cur síos ar **dhá** cheann de phríomhthréithe na Críostaíochta a bhí le fáil i gcuid eile den Eoraip, an tráth ar tháinig Naomh Pádraig go hÉirinn.

(40 marc)

- b) Tabhair breac-chuntas ar **dhá** shampla den chaoi a raibh baint ag an ionchultúrú le forbairt na Críostaíochta in Éirinn le linn ré Naomh Pádraig.

(40 marc)



## ROINN J REILIGIÚN AGUS AN EOLAÍOCHT


Freagair a) agus b) nó c).

- a) Cuir i gcomparáid na freagairtí a thugtar sa reiligiún agus san eolaíocht ar cheist a chuirtear faoi bhrí na beatha. (40 marc)
- b) Mínigh na himpleachtaí a d'fhéadfadh a bheith ag saothar Werner Heisenberg ar theoric an chandaim ar an tuiscint ar Dhia/an tarchéimhnitheach i mór-reiligiún domhanda. (40 marc)

**nó**

- c) Mínigh cén fáth a bhféadfadh ábhair inní eiticiúla teacht chun cinn do bhaill mór-reiligiúin dhomhanda de bharr dul chun cinn eolaíochta nua-aimseartha maidir le ceann **amháin** díobh seo a leanas:

- BEATHA A CRUTHAÍODH GO SAORGA
- CLÓNÁIL
- BEATHA GHÉINMHODHNAITHE
- DEIREADH A CHUR LEIS AN mBEATHA



(40 marc)

(Foinse: Clipartbest.com)

# Leathanach Bán

# Leathanach Bán

# Leathanach Bán